


Skina di Ruthy


Bon dia yen di alegria!

Skirbi pa Ruthy "Lady Ruth" Vrieswijk-Bergen

Ahaaaa! Nos ta drentando poco poco e luna di Augustus, ketobai-den dushi ambiente di vakantie.

Celebrando bida, dia pa dia, cu nos mesun experiencianan, nos mesun ups and downs. Cu hopi bunita energia y alegria nos ta preparando nos di dos "One woman show "Alegria di Ruthy #2" cu lo tuma lugar dia 26 di September venidero pa 8 or di anochi den Cas di Cultura.

Nos invitacion pa corda cumpra bo carchi na tempo serca e scout-nan di e gruponan Santanero di Dakota, Kimball O'Hara di Piedra Plat of San Dominico di Noord.

Scouting Aruba ta den hopi bunita luz e luna aki tambe, ora bo hasi bo compras na Superfood, bo laga algo extra atras pa bai den e kaha di Scouting Aruba.

Si, por ehempel bo compranan a sali 75 florin, bo ta scoje y dici-di di laga algo atras pa Scouting Aruba, por ehempel paga 80 of mas y e verschil ei ta pa e fondo di Scouting Aruba. Bunita noh?

Ta asina bunita, cu Lady Ruth tambe a fungi como un lider scout pa mas di 30 aña, prome den grupo

scout Santanero y despues den Kimball O'Hara den curason di Piedra Plat. Y ta pesey e tema di su di dos One woman show ta Scouting y e fondo recauda na benta di tickets lo ta pa Scouting Aruba.

Nos prome "rehearsal" serio, ya ta trai lomba y ta zona bon ! Nos lo sigui cu mas rehearsals e luna aki, pa prepara nos mes den e mihor forma posibel pa recita nos bunita poemanan atrobe den 4 idioma: Papiamento, Hulandes, Spaño y Ingles y den e 4 idiomanan aki tambe canta canticanan bunita.

Nos lo tin baile atrobe y sorpresanan dushi pa e publico cu lo bin apoya nos atrobe. Tur cu tawata tei biaha pasa sa con dushi nos a pasa, pls, corda cumpra bo carchi na tempo pasobra e stoelnan ta limita. Por cumpra carchi tambe na Boekhandel Van Dorp, e ta costa unicamente 15 Florin.

Boso sa kico tawata great ? Ora cu nos a bai hasi algun compras den fin di siman na Super Food y nos a topa cu empleadonan bisti cu e bunita t shirt di Scouting Aruba. Anto pafor nos a topa cu GL Thomas cu su grupo scout Sonrisa, den nan uniform completo, hasiendo mas propaganda pa toca e curasonnan di e clientenan pa corda laga algo extra atras pa Scouting Aruba.

Pa esnan puntrando tocante mi di dos One woman show "Alegria di Ruthy #2" siiiii, e mesun dinamico team, e mesun musiconan profeshonal cu mas bunita luz ariba nan tambe den nan presentacion. Siiiiii, atrobe Mario Albert Kelly lo canta ! Hopi a keda impacta cu e cantica "A mi manera" cu ela canta anja pasa.....prepara bo pa mas sorpresa ! E mihor tocador di guitarra Jerry Diaz y e mihor pianista, nos piano man, Albert Croes tambe lo tey atrobe , cu ful un repertorio nobo di canticanan bunita cu ta inspira! Mi mes ta hanja kipevel!

Y tur esakinan ta bay ta posibel danki na UNOCA, Aruba Bank, Optica Moderna , Departamento di Cultura DCA y tur e otronan cu ta yuda di curason - Despues nos lo presenta full e lista di tur cu ta duna na Scouting Aruba den e forma aki, di yuda financieramente pa cubri gastonan di e show y asina yuda SA.

Enves di duna directamente na SA, ofrece e publico un show unico , crea recuerdonan bunita atrobe cu nos artistanan local cu hopi inspiracion den cada presentacion. Nos ta cla p'e ! Y abo ? Bo gusta cosnan bunita di nos mesun hendenan, den forman simpel unico y impactante ? Anto ta den Cas di Cultura bo mester ta sinta pa goza cu nos ! Nos ta spera di topa bo tambe ! Nos no kier ansha ningun hende, pero e simannan ta pasa bastante liher y ta djies ta September!

Ah si ! Danki pa e bon comentaronan y complimentnan pa cu Lady Ruth su cara riba e banner riba muraya di Cas di Cultura!!! Esey ta trabao bunita di Fernando di Checkpoint Color!!!

Bin mi show pa bo wak si mi cara a cambia of nohahahahahahahh.

